

SCHOOL ESTILO NOBO NA ARUBA

EPB: Educacion Profesional Basico

ORANJESTAD(AAN): For di 1994 Aruba lo conoce un sistema nobo di school na Aruba, y esaki lo ta **Educacion Profesional Basico**, cu lo ta conoci bao di inicialnan EPB.

For di 1994 lo no ta existi mas **Huidhoudschool, Technische School** ni **ETAO**, sino EPB.

EPB lo dura 4 aña cu e prome 2 añanan dunando educacion general durante cual e alumnonan o studiantenan lo cera conoci cu e direccionnan di estudio cu nan lo por sigui despues. E educacion riba e direccionnan di estudio aki lo ser duna den di 3 y 4 aña.

Na final di e di dos aña, e estudiante of alumno ta escoge

den cual direccion e kier sigui studia.

Informacionnan cu **DIARIO** ta disponi di dje ta indica cu e school nobo lo ta estableci na 3 lugar riba nos isla, esta un na **Playa**, un na **San Nicolas** y un na **Santa Cruz**.

Na Augustus 1994 portanan di e prome klasnan di EPB ta habri mientras cu otro klasnan ta sigui normal cu nan aña escolar.

Cu otro palabranan, si un estudiante ta den di dos klas di **John F. Kennedy school**, e ta sigui cu su educacion na **JFK School** y termina e estudio normal.

Locual ta posibel si ta cu na Augustus 1994 por cumenza

un curso special cu lo ta conoci bao di "**Consumptieve Technieken**" cual opleiding ta ser duna na tur alumno di a logra diploma di **LBO**.

Den e curso aki e alumno ta siña tur cos cu tin di haber cu cushinamento, traha pan, bolo, merienda y duna servicio, y nan ta haci uso ademas di e aparatonan di mas moderno. Esta lo tin un panaderia real y un cushina moderno y bon equipa nan estudio. E cuminda cu nan prepara ta ser sirbi den un restaurant verdadero y ademas e alumnonan lo sigui pasantia den e diferente restaurantnan di renombre riba nos isla

MAESTRONAN BACK DEN BANKI DI SCHOOL

ORANJESTAD(AAN): Pa e school nobo cu lo habri su portanan na Aruba na Augustus 1994, **EPB (Educacion Profesional Basico)**, varios di e maestronan (maestranan) lo bay sinta back den banki di school.

Nan lo mester bay siña topiconan nobo cu ainda nan no a traha cune na school y tambe sistemanan di e school nobo.

Tin maestronan cu a ser manda Hulanda caba pa sigui e cursonan y educacion cu tin di haber cu dunamento di les na un EPB. Cual preparaon ta dura dos aña.

Nan ta esnan cu principalmente lo duna les den "**consumptieve technieken**" di

cual a elabora den otro articulo riba EPB den e edicion aki.

Basta tempo pasa un grupo di hende a studia kico por wordo haci pa mehora **LBO** y a yega na conclusion cu lo ta bon pa schoolnan apart traha hunto.

Na e manera aki por duna diferente posibilidad di estudio di manera cu den zesde klas e alumnonan no mester escoge kico nan kier studia despues. Cu e sistema nobo di EPB ta despues di e prome dos añanan, e studiantenan ta escoge den ki direccinon nan lo kier sigui studia despues di a pasa den e educacion general y cu nan ta ricibi conseho di maestronan y maestranan cu ta yuda nan cu nan problema di estudio.